

72653

5 220 / 85

41

17

35

丹徒縣志撫餘

丹徒縣志摭餘卷十

人物十一 列女一 賢孝

宋 南朝

何徐氏承天母廣之姊也聰明博學承天五歲失父幼

漸義訓儒史百家莫不該覽 宋書何承天傳

國朝

張趙氏名團姑張仰泉妻仰泉出外不知所終氏年少

紡績養姑數十年不懈 以上二則見嘉慶志光緒正志漏載茲特補之

許尹氏學思妻幼孤奉母訓嫻女箴歸學思後敬事翁

姑深得堂上歡姑晚年患足疾臥牀十載氏奉侍湯

藥及一切起居飲食無不先意承志姑幾自忘疾苦

丹徒縣志摭餘 卷十 賢孝

一

嘗指謂人曰此吾家孝媳得一孝媳勝十孝子也生

平極儉約雞鳴即起嘗誠兒媳曰人生須勤儉若好

奢貪佚此取敗之道不可保家爾等當知警也

曹陳氏贈資政大夫正明妻處士舜元長女年二十三

歸正明事翁姑以孝聞時粵寇方熾火壇橋巷故宅

經兵燹灰燼流離失所艱苦備嘗正明撫膺太息作

范文子祈死之誓氏百端慰藉不以境遇易其操遂

襁負其子潛蹤張家蕩賈家灣及朱張圩等處結草

為廬仰命於十指而處之若飴迨正明歿日以鞠諸

孤復舊業為念後家道果興教子成立孫曾環侍四

世一堂壽至八十有五子二長洪鈞次森均仰體親



心建宗祠有善行森以辦賑得力積功叙道員封夫
人孫嵩權讀書有聲亦克自樹立邑人李恩綬爲立
傳節家

丁袁氏筠女立通孝友妻生有至性父晚年得半身不
遂疾扶持需人氏迎至夫家侍奉周至父忘所苦歿
盡哀盡禮親營墳墓歲時祭掃永行不息又好施見
閭里孤寡老疾無不竭力飲助且爲謀始終俾無失
所氏歿後有舊鄰子自江北來特叩墓涕泣復囑其
子歲歲掃墓以誌矜恤先人之德

許盧氏善廉孝友妻善廉歿家貧氏勤習女紅助子讀
後境稍裕子進帛衣不納雖行慶弔仍不易故常曰

丹徒縣志摭餘

卷十

賢孝

二

吾以是導兒媳輩俾勿豔羨華侈生平恪守祖訓凡
僧道不入門亦不入廟進香並訓誡兒媳永不得違
黎明率子婦起無間寒暑曰早起神清晏起神昏見
鄰里貧苦罔不分衣食嘗戒子不許干他事子議建
祠修譜則喜動顏色曰此務本事亟勉爲之盧本邑
望族建有公莊義田氏習見之恆以許姓無此歉然
每勗子曰爾等他日倘能效爾外祖家建義莊則子
願足矣

李汪氏振新

宦績

有傳妻武進康炯女年二十三歸振新不

逮事舅姑夫心際生一瘍危甚經粵亂家貧氏脫簪
珥供醫藥亂定夫宦游湖北挈氏往夫任差漢口附

江輪先行令氏附鹽艘西而託外兄茅心齋護之氏嚴內外別終日閉內艙與茅覲面外未嘗通一語一日天微明人聲驟譁氏疑有變自以一少婦懼爲逼倉卒起啟窗投江舟子拯之起復甦遂有心疾恆瀕於危然持家勤儉一如無疾時衣必親澣井曰必親操夫爲置婢輒遣去生平衣布未嘗著帛補綴數十次猶不易新者飲食尤簡約日市豆腐就飯鑊蒸食雖蔬菜無二穀惟祭祀始具酒肉父早喪過時猶哀寓鄂時母尙健在以道遠日夕思之至泣下聞人困乏輒周濟之無吝色一生嚴正自持於人不失禮人或不謹疾之如仇年五十六卒金壇馮煦爲立傳

丹徒縣志摭餘

卷十

賢孝

三

繆余氏啟麟

孝友有傳

妻年二十二歸啟麟不逮事姑事翁

恪謹甘旨之調不躬不進翁目爲賢婦訓子孫嚴嘗曰人之生子爲承宗祧欲望成立可荒於嬉乎訓子曰保身保家孝之大者兒當勤儉克家毋忝爾父昔人云保精神則本業固謹財用而高志全二語兒當書紳訓孫曰言語舉止必準規矩童而習之後成自然咸豐庚申僑居鹽城大岡鎮遭盜刃加頸索珍寶氏叱之曰避難人寶何有盜不敢逼捨之夫性質直遇不平事昌言不諱事過則陰爲掩覆爲人謀必計始終籌畫盡善慎步履終歲不越閩三姑六婆屏弗入好施予親戚貧乏者有叩輒應光緒丁丑山東災

啟麟倡賑不首名氏實贊成之丙戌山東又饑彌留之際遺命以千金助振東撫張勤果奏請旌表樂

善好施坊額年八十四卒邑人謝庭蘭爲立傳媳徐

之銘

孝友有傳

妻體和女事繼母盡孝繼母艱於育氏市

畢女進尋父與繼母歿族人爭嗣議出畢氏因畢誓

節爲之護且事以庶母禮嗣弟恆忤畢氏復斥以義

嗣弟歿撫其婦教其子姑治家嚴氏柔聲怡色博堂

上歡黎明卽起理家事姑年高洗濯需人氏躬任之

終身翁病篤遺穢牀褥氏灑滌維謹大姑歿遺三子

一女相夫教撫之無怨言訓子惟本忠孝子時孫官

京師光緒庚子拳變京師陷家人恐氏曰何戚爲食

丹徒縣志摭餘

卷十

賢孝

四

君之祿忠君之事卽有不幸人臣之職及子自行

在歸省復隨夫促之行曰身旣許國豈得復以家爲

辛亥秋疾作適變起家人擬召子歸氏怒曰今正事

君致身之日豈謂吾不及王陵徐庶之母耶年七十

二卒族姪荃孫爲立傳

倪孝女父思九字錫疇母趙女生有至性髫齡卽解博

親歡稍長侍左右服役恆不假僕婢父母有疾奉湯

藥竟夜不寐光緒乙未母疾劇羣醫束手女終夜焚

香籲天祈以身代念母病久非補不可因割臂肉長

數寸許血溢如注幾暈絕猶束帛煎湯以進母遂痊

而女血溢甚因病歿時年二十二蘇撫陸元鼎奏請

旌表

徐劉氏體忠妻贈資政大夫法部右參議元起女幼事親孝光緒庚辰母李氏病篤氏潛剖臂肉煎藥以進未能獲痊哀毀幾滅性比歸徐事夫及翁姑必敬光緒丁未法部郎中王貽典呈都察院咨部獲旌旃地方官勝節孝祠總坊題名并致祭

嚴張氏諸生啟先妻諡孝愍在室時柔惠婉嫕惟母命是聽幼喜文翰長循禮法母李氏勤儉莊靜孝愍亦步亦趨若影隨形父慶第自壬午鄉薦後家仍貧孝愍資針黹以爲助事兄恩壽有禮訓弟恩樞有法愛兄女若己出兄屢躓童子試孝愍典質布衣挹注考

丹徒縣志摭餘

卷十

賢孝

五

費母病篤醫束手孝愍泣禱於神請以身代夜將半給兄嫫入他室出剪刀刺臂肉取數寸入藥飲母數日遂瘳孝愍不自言卽家人亦無有知者母疾旣愈督孝愍紅作如往日孝愍左臂孱力不能勝重以故不中程母微譙讓之孝愍忽痛哭失聲母疑駭再三詰孝愍不獲己乃袒左臂示母母泣孝愍亦泣家人及鄰女見者皆泣乃知母之瘳實孝愍爲之于歸後事翁惟謹家事獨自經畫以啟先甫青一衿規勸力學未兩載遽以產難卒里中諸耆宿咸謂其孝足感風雨動鬼神竟不獲永年罔弗扼腕太息私諡曰孝

愍

許殷氏長春

尙義有傳

妻性仁孝猶子明焱明廉少喪母撫

如已出翁邁疾侍湯藥晝夜不離翁歿哀慟盡禮咸
豐庚申夫督兵駐瓜洲餉盡將潰氏聞信脫簪珥爲
助且作書勸慰之曰賊勢猖狂一旅之師輕生冒險
無益宜固眾心堅守爲上賴以安撫如常每屆嚴冬
乞食者踵門無分老幼施以熱粥鄰里有告貸者必
竭力周恤無德色亦不索償持躬恆儉惡衣菲食終
身不易強年近七十凡演劇賽會入廟燒香鬪葉呼
盧等事一概屏絕嘗戒媳輩曰吾由十歲至老未嘗
易轍豈我之心一無所好蓋游玩爲婦女所戒爾輩
宜奉爲家箴也

丹徒縣志摭餘

卷十

賢孝

六

吳尹氏儀徵人寓徒邑有年候選道樹滋次女光緒辛
卯母氏張病篤刲臂療之適同邑舉人安徽知縣吳
桂森爲繼室庚子八月卒壬寅旌表

丁吳氏立鑿繼妻生有至性事生母極孝母疾氏衣不
解帶躬嘗湯藥瀕危焚香庭中潛割臂肉和藥以進
竟愈逾年母疾又作復割臂肉奈無效氏哀毀骨立
痛不欲生屢欲身殉賴家人勸慰乃已年二十一歸
立鑿撫前妻子若親生以養以教翁年邁多疾氏隨
庶姑伺應維謹迨疾篤晝夜侍湯藥親浣污穢勞瘁
不辭翁歿盡哀盡禮時氏已病強起經營喪事以分
夫憂病遂深越三年卒光緒甲辰大府奏請建坊

旌表

繆秀英之釗女生母胡早卒事繼母葉極孝光緒丙戌繼母病秀英親侍湯藥未嘗稍離歷數月不懈尋病篤伺夜靜焚香中庭乞以身代潛割臂肉和藥以進奈弗效秀英慟絕者再已而歸周承禧曲盡婦道相夫持家操勞瑣碎卒以致疾甫逾四十卒待旌從兄時孫爲之記

何常氏甘泉人邑人廷榛妻幼侍親疾晝夜焚香禱天衣不解帶者四十餘日歸廷榛事舅姑及本生舅姑均能先意承志夫歿遺貲五千金戚族睨之氏慨然分散僅留屋一椽田數畝典簪珥購書延名師課子

丹徒縣志摭餘

卷十

賢孝

七

成立子服官法部宣統朝校試貴州法官瀕行氏戒之曰取士宜嚴待士宜寬所至尤宜考詢風俗文獻及山川扼塞年七十五卒子賓笙廩生光緒壬寅舉人法部主事

李顏氏恩綬妻崇名

孝友有傳

次女父善疴多年氏先意體

其所欲不能頃刻離部署家事有條理姑蔡稔其賢以禮聘姑慶六十突患時症由七月至次年夏初始可下榻行每侍膳時姑軀幹重氏跪其背後掖之姑每曰新婦扶我較他人不同一日數起罔懈鄰前踞痕歷久宛然夫館汜水硯田瘠爲諸生營館膳備至而奉姑甘旨不少缺夫乏考費鬻釵環佐之性儉約

亦極仁慈終身未一拈葉子戲凡喪葬婚嫁及修造
新舊祖居皆賴其搏節之力年六十六卒夫哭之曰
吾李氏失一功臣吾閨中少一良友也鄉俚以為確
言子四丙榮允寬允傳允明氏病篤允明割臂療之
未效允寬允傳繼伯仲夫兄為嗣女二長適楊鍾傑
次適嚴家聲次女年二十三辛卯九月家聲入贅閱
歲孟陬家聲病危倉皇失措女割臂療夫竟愈年四
十三卒恩綬有文紀其事

見藝文

柳鮑氏諸生泉妻諸生上宗女子詒徵已酉優貢江陰

繆荃孫撰墓誌

誌曰宣統庚戌門人柳詒徵居母喪

懿行無所聞今母又沒而詒徵年三十有二矣謹具
事略為志前徵謹按略孺人姓鮑氏丹徒人乾隆中

丹徒縣志摭餘

卷十

賢孝

八

舉鴻博世稱海門先生孺人之高祖也幼讀四子書
強記異常童閒製小詩不出海門先生家法家本素
封經寇中落孺人以女紅佐饗殮無驕貴習年二十
九歸同邑柳君泉字逢源邑諸生柳氏世以經術
名春林先生尤精濂洛之學泉之曾祖也家赤貧無
立錫地以教授餬口孺人椎布操作有梁孟風踰年
生一女踰七年生一子即詒徵也詒徵生七歲而孤
遺命詒徵必讀書依外氏以居孺人流涕如命葬畢
常住外家孺人日課之進則色喜荒則色憂有以學
賈勸輒流涕以言卻之逮詒徵補弟子員充甯垣學
堂教習授室移居處境稍裕而孺人漸多疾近年喪
壻喪弟心緒日棘病益不可為遂沒于宣統二年正
月十四日年六十有六四月附葬于丹徒城南朱家
崗夫塋禮也柳鮑清門世族著聲京口才質德行皆
有儀法孺人莫年病軀親友勸入劇塲以散鬱斷斷
以為不可並著為家誠此其相德有過人者宜詒徵
篤志向學讀書能自立也爰作銘曰昔賢汪氏為慈
母言暑淫寒餓煦育後昆後昆繼起焜耀里門母也
力竭奄忽九原枝葉日茂難培本根我聞此言涕淚
潺湲柳母亦然夫復奚論綿綿荒郊松楸永存孺人
之德施于子孫

何嘉氏鑲藍旗有祿女蒙古佐領同瑞

孝友有傳繼妻性至

孝年十九歸同瑞并曰躬操克勤克謹姑楊甚異之咸豐朝粵匪亂癸丑庚申兩犯郡城夫從戎勦賊氏奉姑挈子女避走東南諸鄉嘗兩晝夜露處絕飲食又畏兒啼致賊至以乳塞兒口七晝夜值歲饑斗米千錢竭十指力易米蔬餅餌供姑而自咽糠覈一日賊突至氏急負姑奔出山谷幸得免夫弟歿遺孤女三力任教撫均得所歸賠奩厚於已出恆冒雨雪負薪米陷淖沒膝不能自拔又執役水濱墜溺滅頂者三咸獲救得不死願奔走避寇時晝謀生計夜勤補綴猶爲女及諸孤女口講閨訓列女傳晚年諸女或

丹徒縣志摭餘

卷十

賢孝

九

述往事輒涕泣氏夷然曰婦道固應如是爾輩當自勉毋爲我唏噓也卒年七十九封恭人葬五洲山麓里人鮑心增爲撰墓誌

節壽序墓誌銘

何吳氏梓繼妻性勤儉好施與歸梓後生二子而梓卒時年三十有六家僅小康氏撙節衣食儲黃金五十兩備不時需光緒乙亥河南災時長子已聘劉吉生女劉邑中善士籌集賑款氏見勸賑圖說淒然自計儲金何爲不如出助賑因悉付劉並堅囑隱姓名無知者比子成立畀以家政檢匣得滙券始爲子述顛末曰我非不愛金汝等幼孤或藉以免災耳凡歲終必購衣米隱給貧乏又恆以餘款襄善舉不署名長

子焜次子煊孫五人均經商有聲殆食其報云

戴袁氏如皋人杰側室年十五歸杰時杰官山東知陵縣光緒辛巳奉差出嫡吳病甚醫藥無效氏念夫無嗣嫡已孕數月待巳又恩厚而已復未育急割臂肉和藥進嫡疾以瘳惟胎未獲保時氏年十九然以耗血多艱於育屢請夫再納妾而杰未許甲午杰歿於山東氏隨嫡奉夫柩歷千餘里返里撫夫猶子培塿為夫嗣既而培塿歿又撫族孫為嗣孫亦歿氏慟夫嗣絕哀過甚疾作卒年五十五邑人繆時孫為立傳余曹氏樹楨女祚宸方技有傳妻幼孤事母以孝聞年二十一歸祚宸時翁患肝症不當意輒形諸顏色然嘗語

丹徒縣志摭餘

卷十

賢孝

十

人曰吾家新婦賢吾女不若也同治壬申翁卒夫哀甚適經粵亂家貧苦無多資營身後事氏慨然曰送死禮之大者亟出簪珥供喪葬費然絕口不與人言事姑尤孝姑性嚴恆督過之每逢盛怒氏柔聲怡色謹侍無違必俟姑色霽乃退黎明即起理家政然命不敢專事無巨細咸稟而後行母家或稍有饋遺悉呈堂上曰禮父母在無私財婦人翁姑在亦然生子炳焜寶錕髫齡親授讀比長出就外傳仍時以大義相勗嘗訓之曰吾望汝讀書非為弋取科名祇欲汝知聖賢之道也年六十二卒

陳李氏揚廉妻年二十歸揚廉歷十三年揚廉卒遺女

二子一時氏年三十二揚廉生時不善治生負逋重卒無以殮氏貸於戚得百數十金始克殯葬然逋累愈重事畜一無可恃揚廉祖有遺田坐落天長北鄉佃人才頑積年欠租不交氏計困苦如此惟往治田一策然由丹徒往隔江越嶺水陸殊艱聞者難之氏毅然措資安老姑於先宅而已挈子女行查有張佃老成仍令營田務已則督察之不數年逋負清復添置莊房佃房數十間並書室延名師課子而揚廉存日典出腴田十六石種亦均收回族有公產湖田四百餘畝坐落高郵族人某將吞賣之氏訴之州官官不敢袒姑有外孫女二無母氏挈之同居謀養謀嫁

一如已出借子年十六殤竟乏嗣

趙張氏餘本女祺妻氏在室時侍親以孝聞父病篤醫藥罔效氏倉皇失措焚香籲天割臂肉和藥以進竟愈惜氏天不永年竟以療疾卒年僅三十有九

孫汪氏大和妻性純孝母卞寢疾半載躬侍湯藥衣不解帶盛暑無間母病篤氏伺夜半割臂肉以進遂愈而氏從未以告人年十九歸大和時翁姑及祖姑均在堂祖姑何御下極嚴兒婦僕婢均鮮當意獨於氏歡甚嘗曰吾自冢孫婦來每飯必爲加餐侍兩代姑嫜逾四十年未嘗有幾微之過戚族無間言生平好讀書髫齡講解四子書及女四書時有心得處而言

笑不苟行止咸循禮法終身如恆年六十八卒子聯桂諸生

朱劉氏京口駐防慧元妻慧元素簡默專事讀書不善治生家貧甚氏歸慧元後經理家政歷六年饗殮衣食無缺乏尤知大義事姑孝事夫敬視小姑如幼妹咸豐癸丑髮逆起逼鎮城舉室避城南上塘鎮閱二年慧元病歿氏典質治喪盡哀盡禮繼姑柏兄弟暨已女弟均居丹徒鎮姑婦相商往就之僅恃子礮手餉月入銀二兩難以供日用晝爲農傭夜勤鍼黹凡事資補助者不避艱辛繼姑憫之欲分勞氏不可歷三年氏積勞成疾力竭不支繼姑執其手泣曰汝宜丹徒縣志據餘

卷十

賢孝

十三

安養母過憂煎吾母女祖孫得保有今日賴以有我賢婦也氏泣勉慰曰凡事天定天果不絕朱氏兩代幼孤自有安身立命處氏蓋預有定見兩繼姑痛切驀鬱絕歿氏力疾商於繼姑兄弟畢大事卽託小姑於舅氏更託子於其女弟曰姊病必不起賴以綿先夫於一脈者惟此子姊死後願教養如己子姊瞑目矣遂歿去繼姑歿之日二日

項李氏名掌珠字蘭如舉人慎傳女適江蘇候補道錢塘項兆麟爲室聰穎賢淑天性過人事父母翁姑以孝相夫子以禮御下以寬教子持家克盡嫺道戚族有貧乏者典簪餌助之無吝色年四十六卒工詩詞

駢體文蓋家學使然也梓有怡秋軒詩詞行世子毓
濬毓慈績學早世毓荃毓藻毓恩毓嘉皆有聲於時
鄒包氏德淦妻少孤育於叔父性貞靜年二十一歸德
淦閱三載德淦病劇氏朝夕侍側不稍怠惰常恐夫
不起焚香顛天乞以身代遂絕粒不食既而德淦愈
而氏疾作遂歿年二十四

楊李氏壽徵女贈榮祿大夫光治妻性慈善中年夫卒
遺子五均幼氏獨秉家政竭力支持然樂善不倦遇
貧乏無不勉爲扶助苟不足恒典質以劑之自甘凍
餒戚黨交口稱道年七十六卒封夫人子燦明燦植
燦麒燦麟燦燦明大清銀行經理瘁於職歿後粵

丹徒縣志摭餘

卷十

賢孝

十三

民以有功立廟祀之燦麟三品銜浙江候補知府光
緒丙午充考查各國政治隨員嗣充山東交通銀行
經理餘亦克自樹立孫金澄金培金門金萊皆學堂
畢業生燦麟奉氏命繼金澄爲嗣子孫繁衍僉謂氏
有積善之報

胡楊氏茂林女鎔妻氏與鎔爲中表幼時卽許字年二
十三始歸鎔以孝謹事翁姑氏能曲意承順得歡心
歲丁巳鎔病劇氏晝夜侍奉衣不解帶約數十日恐
鎔病不起焚香默禱乞以身代後果鎔愈而氏疾作
歿年三十有七邑人李丙榮爲撰誄

何雷氏父震夫定明氏幼事親孝父病早歿母慟不欲

生氏善爲解勸始已母疾作焚香告天乞以身代然百藥罔效遂刲臂和藥進而母疾瘳年二十歸定明夫卒時欲身殉旣念兩遺孤一弱冠一襁褓誓教子成立乃親授四子書及諸經訓誡一如嚴父

凌余氏啟昇妻幼喜讀書克嫺婦教祖姑王姑邵均樂善好施而力未逮氏仰承先志沒齒弗忘媳買甚孝翁姑病日夜侍湯藥余臨終時諄諄以施濟爲囑賈復以諭媳何何年三十七守節親操井日勤儉持家迨境漸豐贏務竟四世未竟之志凡戚族有貧乏者恆命子周卹之尤加意諸貞節孀孤里中完節堂房屋傾頽遵先世遺囑捨巨貲修建者再又厚助儒塾丹徒縣志據餘

卷十

賢孝

古

會經費且爲謀久遠計何氏媳倪事姑亦得歡心凡姑所愛助悉曲意遵從仁厚亦如其姑

李王氏明琛女壽源妻嫺閩訓識大體翁慎傳疾危氏焚香禱天剜肉和藥進惜翁未痊年三十二卒孝行經本省督撫會請旌表附祀本邑節孝祠

鄔丁氏蒙古正藍旗前鋒鄔林泰妻性仁厚好施捨持家勤儉晨起親掃庭除迨年老猶不改常度生平不信讒言不詰細故偶遇譖愬者或一言涵蓋或數語折服戚族里黨凡有告貸靡不竭力扶助歲晚恆寫米券及錢券陰遣人察有極苦者周濟之日春必親檢門戶一日見偷兒伏僻處氏戒人弗驚厚遣之去

後偷兒改行爲善年九十三卒季婦楊亦以賢孝稱
邱錢氏佩琳妻事翁姑克盡婦道甚得翁姑歡常語人
曰此吾家賢婦也媳周氏孫媳張氏暨長孫媳童氏
葛氏徐氏皆婦德無虧戚族無間言次曾孫媳周氏
尤賢淑于歸後未數年卽理家政井井有條奉翁姑
先意承志事夫敬御下恕好施與凡鄉黨貧乏竭力
扶助尤喜濟恤貞節婦女固里中之表表者

支王氏恆淦繼妻揚州江都人性勤儉恆淦家故豐經
粵亂家道落恆淦又不善治生家益貧先人有遺基
在西門外亂後土豪霸佔氏助夫清理訟於官得直
遂勸夫歸里生二子懋鏢敏政均氏督責之夜紡績

丹徒縣志

卷十

賢孝

十五

常令二子讀其旁二子悉成立生平喜赴人之急曰
毋患貧難濟人雖口舌間亦可積功德四十後暇輒
誦經二十年如一日嘗曰誦佛非爲求福不過藉娛
晚年培心術也年六十六卒子懋鏢敏政均諸生

李袁氏明和女宗所妻孝尊嫜敬事其夫內外無間言
袁氏家門鼎盛奩資豐腴翁課讀東臺生徒供膳賴
氏調羹姑忘其勞粵寇擾郡搬費食用氏變奩資任
之母家時有饋遺用佐翁姑甘旨夫貿易輒阻氏以
十指度日彌澹如也子允中經商有聲氏晚年得子
孝養境尙豐腴咸謂賢孝之報

李鮑氏宗麇妻祖誠長女姑蔡年邁善事之得歡心相

夫能食貧一無怨尤識字明大義處家庭間雍睦無間言時論美之嗣子允傳性慈惠凡母有所嗜悉如其意而周濟之僉謂賢母之有子

道傳賢常榮女生有至性事父母能得歡心日侍左右服役必躬親其事毫無怨言父母年七十女朝夕侍奉如嬰孩之不能離乳母然父母有不悅時卽百端勸慰凡有拂逆之事無不曲意承順必得其怒平而心始安鄉里目爲孝女

仲趙氏煥繼妻邦煒次女幼嫻母訓耽詩書尤明大義煥前妻遺二子一女氏撫如己出長子川嗜游蕩煥忿責氏恆婉諫川病氏爲延醫調治及病篤困牀蓐

丹徒縣志摭餘

卷十

賢孝

六

常遺矢傭婦憎惡不肯澣氏親滌之無怨言煥偶見驚詢曰何苦如此氏以實告煥淒然曰吾不意以兒女累卿也川以不自愛受病深醫無效瀕危復甦忽云我繼母愛我無微不至今不能酬厥德惟有來生變犬馬也言竟死聞者咸爲咋舌氏泣曰吾以夫老多病竭力感化期爲守業之助不意川已悔過而天不假之年也未幾煥亦卒氏痛不欲生絕食累日戚族以子女尙多撫孤事重力勸氏泣然曰理雖如此其如情何乃勉進食煥生時好施予氏恆助之及煥卒氏周濟如故煥志有未竟者復踵成之次子珏亦尙義有父風

李汪氏潛側室侍嫡母張婉婉貞靜謙謹柔順得嫡母歡性嚴正不苟言笑處已律人一依於禮親族畏敬之凡婦女所行或有悖於禮者氏必大義曉之務使之潛化而始安喜聽稗史聞書聲輒心喜見勸孝文一再吟誦淚潄潄下子三銘槃鏡清均諸生三大慶早世媳何青年守節恂恂然遵母教亦氏之德所貽也姪曾孫丙榮爲立傳節家乘

楊吳氏廩貢楊邦雋妻年十八歸邦雋氏事祖姑善執婦道得重闈歡心佐撫小叔小姑和睦內外無閒言咸豐十年二月姑病危氏禱於天願以身代潛割股肉和湯藥以進果減輕至五月乃不起門人張濟川

丹徒縣志撫餘

卷十

賢孝

七

謂三月延生未必非一誠之所感其孝不可殁也請

旌入祠撫胞姪爲嗣授室生子旋相繼夭亡氏亦抱病卒年五十有六後側室生子者年

姚滕氏遐齡繼妻丹徒鎮人咸豐庚申奉姑姜避粵匪姑年老多病不能起賊至欲刃姑氏以身衛賊斫中額血流盡屹立賊感而去未幾遐齡歸氏竟不死至後善終

鮑殷氏舉人迴妻幼孝父母年二十五歸迴是年鎮城行疫迴家六日五喪門內食指三十口俱待給於迴氏盡易妝奩助營喪葬事姑以敬相夫以賢處妯娌以和睦撫諸姪如己出持己以儉御眾以寬年八十

歲卒子五人上功上宗上元上儀上傳孫九人心怡
心銓心存心源心增心融心培恩暄慶熙曾孫十人
長叙長新長春長毅長庠長棟長駟長畚鼎長登均
有聲庠序多擢巍科亦謙謹不預外事以上三則均見節孝祠譜
虞張氏諸生國泰妻監生張汝霖女賦性賢孝鄉里無
間言喜讀經史能制藝詩詞每作書院題屢取前列
閱卷者不能辨其爲女子作也其四弟相得姊教授
未冠成諸生

李包氏靜安女諸生恩蓉妻年二十歸恩蓉事翁姑以
孝聞恩蓉生平取與不苟性褊急鬱鬱不得志氏以
寬和助之曲意承順適相成也生女七人傷一嫁其

丹徒縣志

卷十

賢孝

六

六經營奩具井井有條然用心苦矣鄉里咸稱其賢
淑子二女六均自立勤儉如其母皆氏之母教所致
云

兩道戴氏一爲戴漳女適同縣道常勝爲室咸豐九年
冬常勝疾篤氏禱於神剗肱和藥以進竟不起一爲
氏弟戴樽女適常勝次子傳學爲室咸豐八年夏歸
甯省母適病甚劇醫藥罔效亦剗肱入藥以奉母母
飲之卽愈義烈之性鍾於一門均可風也李學士承
霖爲撰合傳甘泉江璧有戴氏雙烈嬾歌均見藝文
莊王氏玉林妻性至孝母病時年甚幼隨兄姊侍湯藥
日夜憂戚歸玉林後丁粵亂家業落流離困苦相夫

支持無一怨言僑寓小沙灘江一日地忽裂將陷媿姪蕭某幾及難僉避險弗往救氏力洩之出乃免無何玉林歿子仁松幼習嬉游氏擇鄰遷居就傅訓子成立後入天津水師學堂任交涉礦務洊升監司咸謂氏賢孝之所致守節三十餘載卒年七十有三以子仁松職封一品夫人

陳何氏揚俊妻耀先女性純孝幼侍親疾晝夜焚香禱天願以身代歸揚俊後事姑盡孝揚俊孝母嘗客外氏體揚俊心事姑治家亦勤儉莊肅年三十卒

趙龔氏浙江知府慶祺繼妻甚賢淑前妻有遺子氏撫如已出鄉里無閒言

丹徒縣志摭餘

卷十

賢孝

十九

許丁氏善藻妻永清女完節有傳歸善藻逾年生子體鏡未彌月夫咯血氏雖值新產不惜勞瘁竭力調護而善藻素體弱成療疾歷二年氏日侍湯藥復焚香告天乞減算代夫割股療之持齋奉佛惜夫竟卒氏誓以身殉翁姑勉以大義乃忍死事蓄而督子甚嚴曰溺愛多驕子事姑尤曲體姑意姑患肝氣疾作晝夜需人摩撫氏永侍姑側歷廿餘年如一日姑嘗執氏手曰汝在余側余痛苦似稍減姑歿氏哀痛逾恆里人敬之

顏毛氏廩貢澂女廩貢振文妻事威姑汪曲意承順姑聽小姑言數媒藥其嫂氏茹苦隱忍之惟背泣而已

歲暮酷寒隻身河濱敲冰洗全家衣雙趺半浸水上
氏安之若素歲庚寅振文突病痿臥十餘年不起氏
晨夕侍每餐輒手喂櫛沐澣溺伺尤勤睡久需反側
必爲傾其身如保抱然人多歎氏勞而無厭色或時
有違振文問責之亦樂受振文祈死氏謂賴其生我
母女猶得相保也常鎮道呂公海寰有所贈氏愴然
曰翁姑殯宮厝汜水二十餘載恐朽損留此錢俾返
骨焉閱歲願果償辛丑某月日先振文九日卒女一
適同里諸生張敦臨邑人李恩綬爲立傳

汪程氏輔廷妻咸豐壬子年十九歸輔廷未幾遭粵寇
之亂奉舅姑避橫山窪翁歿鬻簪環爲殮費丙辰又
丹徒縣志摭餘

卷十

賢孝

三

值歲旱氏資女紅給朝夕百計供姑之甘旨以野蔬
觀音粉自饜同治丙寅僑寓興化值清水潭決口亦
能先意承志曲盡孝道求姑所嗜而進之光緒己卯
姑病日夜侍湯藥不辭勞瘁絕無怨言歿後盡哀盡
禮晚年好佛性喜施與孫曾繞膝四世一堂壽八十
五終子慎安經商有聲亦以孝聞

張顏氏諸生振文女諸生敦臨妻振文無子祇一女病
痿多年氏助母毛氏鍼劑謀生以資菽水光緒庚子
冬母病篤氏剗股煎藥進果愈延至次年四月間後
振文十日卒與堂兄承璐經治喪葬必誠必信歲時
祭祀歔歔嘆息以不及事翁姑并不能終事父母爲

譬乃獲成行迨子等出仕氏諭以廉慎任事偶去職或歲久不遷則曰安義命勿介介生平習勤儉而於一切大事則準情酌禮豐約適中晚年茹素奉佛倍至好施與於戚屬恩誼尤厚年七十卒

馬冷氏春林女長鳳妻邑之徒鎮人性孝謹克盡婦職事姑能先意承志得其歡心經粵亂後家綦貧氏親操井曰謀奉甘旨恆紡織以達宵旦處家庭溫恭和順人無閒言同治丁卯生長子慶堃遵姑命嗣夫伯兄爲後辛未姑舊染痰喘之症日益增劇氏躬奉湯藥目不交睫者數十晨夕病亟時焚香籲天乞以身代光緒丁酉夫歿氏哀毀骨立痛不欲生涓滴不沾

丹徒縣志

卷十

賢孝

三

唇者數日平生宅心敦厚秉性慈祥恆周濟貧乏親鄰體卹備至里閭皆稱其賢年七十六卒子慶堃慶華孫金城金魁曾孫健龍健康均克振家聲皆氏之德澤所貽也

魏景氏良棟繼妻聖希女餘姚籍僑寓徒邑良棟任海州分司驗資事卒於署氏資女紅給朝夕撫二孤一女有禮法子有過失氏泣粟主前令二子跪旁引過自責氏不忍以夏楚施威必俟其感悟而後已終身茹素禮佛自奉甚儉而性好周急遺命後嗣以慈善世其家今子謙承先志媳唐亦以賢孝聞里人多敬之

憾卒年三十有三邑人李恩綬爲立傳

張李氏宗德女寅官妻張故貧氏恃鍼帚供祖姑及翁姑甘旨恆中宵不輟祖姑甚憐之往往持燈坐其旁藉閒話爲伴而姑行悍故意苛虐然氏絕口不言或有論及者氏曲爲彌縫而柔聲怡色務盡婦道以博姑歡鄉黨咸稱賢孝寅官復不才有阿芙蓉癖終歲坐食不事生業氏嘗幾諫不聽繼以泣而寅官終不改行氏贈嫁物因供寅官嗜好日用典質一空己未春三月初二日寅官逼氏購阿芙蓉膏氏曰僅此二百錢購得固佳若弗得乞勿戚展轉巷內半晌審思古人有以死諫君者夫日嗜阿芙蓉累諫不從或身

丹徒縣志摭餘

卷十

賢孝

三

死而夫悔悟則雖死猶愈於生也乃投江死年三十二里人聞其死僉惋惜之而祖姑慟悼不置

楊班氏駐防班濟斯渾女蒙古鑲紅旗智崑妻氏幼失怙恃惟長兄明貴是依而抗志卓立雖日處艱棘孤苦中言動一以儀槩於酒漿織紵澣濯縫炊諸事舉無所諮度以自勤習而能年二十二歸智崑孝事姑得歡心家無恆產夫治生濶略氏治家井井有條督責兩子嚴夜暇篝燈命子等述史傳中節孝義行者爲之解釋久能自舉其詞喜集家人以縷述之子有不中矩度事輒訶曰史傳某人某事云何者而忘之耶兩子游學東瀛同時遠離夫微有不懌氏婉詞寬

